

هر لسانده هر نوع آثار علمیه و ادبیّه
و اجتماعیه متشکراً قبول و درج
اولونور



سنه ۱۲۰۰ آيونه بدلي هرير ايجون (۱۲) فرانقدر

ژاپون کاغذی اوزمه ریال کاغذی اوزمه ریانه
مطبوعاتك سنه ۱۲۰۰ آيونه سی
(۵۰) فرانقدر .

الجهاد

آدرس : ADRESSE

IDJTIHAD
Roseiraie, 2, Genève.



تلفون نومروسی : ۴۷۳۲

ژاپون کاغذی اوزمه ریانه مطبوع اولمایانلرك
نسخه سی (۱) فرانقدر .



برنجی سنه

آیده بر دفعه نشر اولونور ، سربست ، مجموعه عثمانیه واسلامیه در

اشخاصك انتخاب و تعیینی داخلیه ناظری « بولیغین » ه
 محوّل ایدی . جمعیت و کلایه ایسه « ویتته » ریاست
 ایدیور . ایسته روسیا مسلمانلری ، نه مذکور اصلاحاتك
 اهالی به تأمین ایده جکی منافع حرّیت و مساواتدن محروم
 اولمای و نه ده مجلس مبعوثانك شرائط تشکله دائر
 جریان ایدن مذاکرات متقدمه قومیسینونه اشتراکیدن
 کیری قالمای ایسته مه دیلر : بو مقصدله اهالی اسلامییه .
 روسیانك هر طرفندن پایتخته ده پوتهلر « مبعوث » اعزام
 ایدرک هر ایکی ناظره « بولیغین ایله ویتته » احتیاج و
 مطالبیری بیلدیر دیلر .

آلتی ، یدی میلیونیه قریب بزم قافقاسیا اسلاملری ده
 اون ایکی کیشیدن مرکب بر هیئت مبعوثه کوندردی .
 بونلر په تره سبورغه طویلا ندقندن سو کره متعدد دفعه لار
 اجتماع ایدرک علی العموم روسیا اسلاملرینك حقوق
 ملکیه و سیاسیه و دینه لرینی عریض و عمیق مذاکره ددن
 سو کره عمومی بر مطالبنامه « په تسیا » تنظیم ایدوب
 وکلا رئیسنه تقدیم ایتدیلر . بو مطالب نامه نك
 اساسی ، روسیاده هر نه صورته اصلاحات اجرا
 اولونورسه مسلمانلرک از هر جهت خرسیتانلره ، روسلر
 ایله تماماً مساوی اعتبار اولملری شرطیه . اسلام دینی
 و تورک قومیت و لسانی دأره سنده حرّیت وجدان ،
 حرّیت اجتماع ، حرّیت افکار ، حرّیت کلام و
 مطبوعاتدن و سائره دن عبارتدر . بونلردن باشقا مطالب
 نامه ده معارفه و مسائل اقتصادییه متعلق بعض بندلر
 دخی واردر . بو مطالب نامه قریباً غزته لره نشر
 ایدله جکدر . ایله ریده مهم یرلرینی ترجمه ایدرک
 (اجتهاد) ه کونده ریرم . ویتته اهالی اسلامییه طرفندن
 کونده ریلن هیئت مبعوثیه حسن قبول کوسرتوب

قارداشز . بربرمرزی اولدورمه یه دکل بربرمرزی داهای
 زیاده یاشاتمایه باقلم . سرمایۀ عرفانز مشترک اولسون ،
 بر سما آلتنده یز . برخانه نك خلقی ایچون طام نه ایسه بر
 ملائک خلقی ایچون ده سما او عد اولونمالی در . تکرار
 ایدیورز و هر زمان تکرار ایده جکز :

ملت کندی سعادتك اسباب تأمین و محافظه سنی
 کندی قوتنده آرامالی . حکمدارک لطف و عنایتدن
 بکله ممه لی . احسان اولونان هر شی استرداد اولونمایه
 معروض در . فقط استحصال و اکتساب اولونان حریت
 و سعادتك اسباب حفظ و تأمین ی حریت و سعادت
 مکسوبه ده مکن و مندج در .

جنوره ۱۱ اغستوس ۱۹۰۵ عبدالله جودت



روسیا مکتوبی

۲۸ نیشان ۱۹۰۵ په تره سبورغ

بر قاج آی اول ، روسیا ایمراطوری امور دولت و
 ملتده اصلاحات عظیمه اجرا ایتدیره جکی و « زه مسکی
 صوبور » دینان مجلس مبعوثانك اجتماعنه لزوم کوردیکی
 اعلان ایتشدی . اصلاحات پروغرامنك تنظیمی « قومیته
 ده مینستر » دینان خصوصی بر جمعیت و کلایه حواله
 اولوندوغی کیکی مجلس مبعوثانك صورت و شرائط
 تشکله دائر مطالعات و مذاکرات اولیده بولنق اوزره
 مختلف اعضادن مرکب خصوصی بر قومیسینونك تشکله
 دخی قرار ویرلدی . بو قومیسینونه اشتراک ایدن

حکمدار و ادبیات

مبحث

۱۱

ادبا حقنده نه دورلو تشویقات ده بولونماق
حکمدارک دهاا زیاده ایشه کلیر

آوروپاده ، یواش باواش ، بر صنف ذوات تشکل
ایتمش در : که بونلر دوشونمه رک ، یازاراق صنف لری
خارجنده اولان لری دوشونمهیه آلیشدیرمای وظيفه
ایدینمش لردر . بو صنف . فکرلری نشر اندرک خلق
آراسنه نیم عرفانلر صاحبايه موفق اولورلر : « تفکر » ی
پرانغیه اورماق وظیفه ارثیه سنی آلمش اولان حکمدارلر ،
ناشر عرفان اولان بو صنف انسانلرک دشمن طبیعی -
لری درلر . لاکن ، دیگر بر چوق احوالده واقع اولدینی
کیبی ، خوف متقابل آز زمانده حکمداران ایله بو
صنفی یکدیگرلرینه تقریب ایتمش در . عرض ایتمدیکم
وجهله محررلر احتیاج ایله ، خوف ایله یاخود سریع
الزوال برشان و ، مئین اولماق دن زیاده ، سریع الحصول
بر شهرت آرزوسی ایله متحرک درلر ؛ دیگر طرف دن ده
حکمدارلر ، عظمت صائمق هوا سیله ، « سهام قضا »
و استهزا قورقوسيله مثلانشی اولورلر . اعتباردن
دوشورولمک دن . ماسک لری قالدیر یلاراق الی الابد
رسوای ایدیلیمک دن احتراز ایدرلر ؛ آی کورونمک
ایسترلر و ، نتیجه کارده ، باشقادورلو حرکت ایده منزلر :

مطالنامه لرینک نظر اعتباره آینه بخنی بیان ایتدی .
بوندن سوکره هیئت مبعوئه اسلامیه ، مجلس مبعوثانک
شرائط تشکله دائر جریان ایده جک (شیمدی ایدیور)
مذاکرات اولیه اسلاملردن ده بر قایج ذاتک اشتراکی
طلب ایچون داخلیه ناظری (بولیغین) ه مراجعت
ایتدی . (بولیغین) دخی اسلاملرک بو خصوصده کی
حقلری تصدیق ایله جواب مساعد ویردی .
مبعوثلرک فسم اعظمی قافقاسیایه عودت ایتدیلر .
بوراده قالانلر (سالیان) و (جواد) نواحینی اهالی
اسلامیه سنک مبعوثی علی حسین بک ایله (قاسی) غزته .
سنک مدیرلری اولان طویجی باشی زاده علی مردان و
آغا زاده احمد بکلر درکه بونلر ، قافقاسیاده (باکو)
شهرنده یومی و تورکجه اولاراق انتشار ایتمک اوزره بر
غزته امتیازی طلب و استحصال ایتدیلر . غزته نک آدی
(حیات) در . قریباً (سانسور) لغو ایدیله جک و
سربستی مطبوعات اعلان اولونا جاقدر . بناءً علیه
(حیات) ک استقبالده حر اندیش ، جدی بر غزته
اولماسنه بر مانع قالمایا جاقدر . اساس مسلک روسیا
اهالی اسلامیه سنک ترقیات اجماعیه سنه ، معارفه ، منافع
اقتصادیه سنه خدمتدر .

